

JAVNI POZIV

jedinicama lokalne samouprave (opštine i gradovi) za iskazivanje interesa za učešće u realizaciji SDG partnerstva između Bosne i Hercegovine i Švicarske u periodu 2025 - 2028. godine

Bosna i Hercegovina (BiH) izrazila je opredijeljenost za implementaciju globalne Agende 2030 i Ciljeva održivog razvoja (SDG), koji se realizuju kroz **Okvir za implementaciju Ciljeva održivog razvoja u BiH** (Okvir SDG) koji je usvojilo Vijeće ministara BiH, kao i vlade Brčko distrikta Bosne i Hercegovine (BD BiH), Federacije Bosne i Hercegovine (FBiH) i Republike Srpske (RS). Za potrebe praćenja napretka u realizaciji SDG Okvira, Vijeće ministara BiH imenovalo je **Interesornu radnu grupu za praćenje implementacije Ciljeva održivog razvoja u BiH – SDG Vijeće** (u daljem tekstu SDG Vijeće BiH).

Švicarska i Bosna i Hercegovina dijele zajedničke izazove upravljanja i implementacije Ciljeva održivog razvoja u kompleksno organizovanim nivoima vlasti. Efikasna koordinacija i harmonizacija implementacije SDG-a na svim nivoima vlasti i njegova lokalizacija na nivou zajednice su oblasti od zajedničkog interesa. Razmjenom svojih dobrih praksi i učenjem o uspjesima i neuspjesima jedna od druge, dvije zemlje mogu proširiti svoju bazu znanja, otvoriti se za nove i inovativne pristupe i na taj način potencijalno postati efikasnije i djelotvornije u upravljanju procesima SDG-a i ubrzavanju implementacije SDG-a. U skladu s tim, Ambasada Švicarske u BiH pruža podršku SDG Vijeću BiH, kroz **program SDG Partnerstvo između Bosne i Hercegovine i Švicarske**.

Svrha SDG partnerstva između BiH i Švicarske je da inspiriše intervencije održivog razvoja u različitim oblastima u dvije zemlje putem razmjene znanja, inovativnih pristupa, dobrih praksi i naučenih lekcija u oblasti upravljanja procesima SDG-a. Pošto su obje zemlje države s decentralizovanim strukturama upravljanja, očekuje se da će modeli koji se primjenjuju za koordinaciju, integrisano planiranje i implementaciju Agende 2030 u dvije zemlje biti relevantni i replikativni za obje zemlje.

Predloženi konkretni ciljevi SDG partnerstva su sljedeći:

1. Institucije zadužene za upravljanje procesima ostvarivanja Agende 2030 u BiH i Švicarskoj postaju efikasnije u ispunjavanju svojih mandata;
2. Privredni akteri iz BiH i Švicarske uspostavljaju partnerstva koja doprinose snažnijoj implementaciji SDG-a;
3. Civilni sektor i akademska zajednica u obje zemlje su svjesniji vrijednosti Agende 2030 i aktivno doprinose implementaciji SDG-a.

Kako bi pomogla implementaciju programa i podržala aktivnosti projekta, Ambasada Švicarske u BiH angažovala je udruženje **“Institut za razvoj i evropske integracije” (IREI)** za administriranje programskih aktivnosti i pripremu javnih poziva za potrebe SDG Vijeća BiH tj. institucija čiji su predstavnici imenovani u SDG Vijeće. U skladu s navedenim, IREI objavljuje javni poziv za jedinice lokalne samouprave (opštine i gradove) za iskazivanje interesa za učešće u realizaciji SDG partnerstva između Bosne i Hercegovine i Švicarske.

Predmet poziva

Poziv je namijenjen jedinicama lokalne samouprave koje već imaju iskustvo u provođenju aktivnosti koje doprinose implementaciji Ciljeva održivog razvoja (SDG) te žele uspostaviti saradnju i razmjenjivati iskustva sa švicarskim opštinama i gradovima putem kojih će primijeniti naučene lekcije na teritoriji svojih opština/gradova. Prijavom na ovaj poziv, jedinice lokalne samouprave iskazuju interes za buduće partnerstvo, međunarodnu razmjenu, zajedničke radionice i druge konkretne aktivnosti, planirane u okviru SDG partnerstva, a koje će se dalje pratiti i izvještavati. Cilj poziva je formiranje baze zainteresovanih opština i gradova u BiH za potencijalno uključivanje u tematske aktivnosti i uspostavljanje dugoročnih partnerstava s lokalnim zajednicama iz Švicarske. Detaljnije informacije o načinu prijave, kriterijima i daljim koracima - dostupne su u nastavku poziva. Uključivanjem jedinica lokalne samouprave u program partnerstva ne garantuju se finansijska sredstva niti finansijsko-tehnička podrška.

Koristi za jedinice lokalne samouprave

Jedinice lokalne samouprave mogu ostvariti sljedeća prava i koristi:

- Mogućnost da predlože aktivnosti koje jačaju veze s jedinicama lokalne samouprave Švicarske, posredstvom inicijativa usmjerenih na ostvarivanje SDG ciljeva, događaja i umrežavanja, te da zatraže podršku od projekta partnerstva za realizaciju navedenih prijedloga.
- Priliku da učestvuju u treninzima, programima i aktivnostima koje implementira projekat partnerstva, kao i da predlože teme i kontakte koji su od interesa.
- Pristup podršci u komunikaciji s ciljem promocije vlastitih inicijativa i aktivnosti koje su relevantne za ostvarivanje SDG ciljeva putem partnerstva.
- Pravo na pristup B2B i drugim vrstama konferencija, skupova i sesija koje organizuje ili podržava projekat partnerstva.
- Mogućnost da nominuju teme i preporuke za ostvarivanje SDG ciljeva, za komunikaciju s jedinicama lokalne samouprave iz Švicarske koje su iskazale interes za partnerstvo.

Ko se može prijaviti?

Na ovaj javni poziv mogu se prijaviti isključivo jedinice lokalne samouprave (opštine i gradovi) iz cijele Bosne i Hercegovine. Prijave razvojnih agencija ili drugih pravnih lica neće biti razmatrane.

Kriteriji za prijavu

- Izrađena i usvojena strategija razvoja Grada ili Opštine, koja je usklađena s aktuelnim zakonskim okvirima u Federaciji BiH, Republici Srpskoj i Brčko distriktu;
- Prethodno iskustvo u implementaciji aktivnosti ili projekata koji su povezani sa Ciljevima održivog razvoja (SDG) tokom posljednjih pet (5) godina;
- Jasno navedene prioritetne SDG tematske oblasti u kojima Opština ili Grad žele ostvariti saradnju sa švicarskim partnerima (na primjer: upravljanje otpadom, zaštita

okoliša, obnovljivi izvori energije, urbani razvoj, vodosnabdijevanje, socijalna zaštita, rodna ravnopravnost, digitalizacija i drugo).

Prilikom izbora partnera za buduću saradnju, prednost će imati opštine i gradovi koji su upoznati s principima lokalizacije SGD, imaju konkretne rezultate u implementaciji SDG aktivnosti, partnerstva, posjeduju izražene kapacitete, te jasno definisane prioritete za buduću saradnju, a što je navedeno u prijavnom obrascu.

Upute za prijavu

Zainteresovane jedinice lokalne samouprave, koje ispunjavaju prethodne kriterije za učešće, svoj interes za učešće u projektu treba da iskažu dostavljanjem:

- Ispunjenog, potpisanog i ovjerenog Pisma namjere (Prilog I)
- Ispunjenog, potpisanog i ovjerenog Prijavnog obrasca (Prilog II)
- Ostale prateće dokumentacije

Način prijave i rok za dostavu

Prijava s pratećom dokumentacijom se dostavlja elektronskim putem na e-mail adresu: poziv@irei.ba ili info@irei.ba.

Za dodatne informacije možete kontaktirati projektnog koordinatora putem e-mail adrese: poziv@irei.ba

Rok za prijavu: 19. maj 2025. godine

Napomena: Detaljni plan aktivnosti i dinamika saradnje bit će pripremljeni nakon završetka evaluacije prijava, a u saradnji s odabranim jedinicama lokalne samouprave.

Proces nakon prijave

Nakon završetka javnog poziva, slijedi preliminarna evaluacija pristiglih prijava. Odabrane jedinice lokalne samouprave bit će uvrštene u bazu zainteresovanih zajednica za dugoročne aktivnosti partnerstva i razmjene znanja s opštinama iz Švicarske. Nakon formiranja baze zainteresovanih opština, SDG Vijeće BiH i Ambasada Švicarske će, u saradnji s projektnim timom IREI, vršiti odabir i povezivanje (matchmaking) bosanskohercegovačkih i švicarskih opština/gradova na osnovu tematskih prioriteta i kapaciteta za saradnju. U narednom periodu, za odabrane opštine i gradove bit će organizovane aktivnosti poput razmjene iskustava, zajedničkih radionica, posjeta i drugih oblika saradnje. Iskazivanje interesa putem ovog poziva ne garantuje automatsko uključivanje u aktivnosti projekta, ali predstavlja prvi i nužan korak za ostvarivanje buduće saradnje.

